

儀禮疏卷第七

儀禮卷第二

唐禮部
司馬

唐朝散大夫行大學博士弘文館學士臣賈公彥等撰

士相見禮第三

疏

士相見禮第三。鄭目錄云士以職位相親始承摯相見禮雜記會

葬禮曰相見也反哭而退朋友虞祔而退士相見於五禮屬賓禮大小戴及別錄皆第三。釋曰鄭云士以職位相親始承摯相見者釋經亦有大夫及庶人見君之禮亦士見大夫之法獨以士相見為名者以其兩士職位不殊同類昵近故以士相見為首云雜記相見也反哭而退朋友虞祔而退者以送葬之禮恩厚者遲遲恩薄者退疾引之者證有執摯相見之義也云士相見於五禮屬賓禮者案周禮大宗伯五禮賓禮之別有八春朝夏宗秋覲冬遇時會殷同此六者是五等諸侯見天子兼有自相朝觀之禮彼又云時聘曰問殷親日視二者是諸侯使臣出聘天子及自相聘之禮並執玉帛而行無執禽摯之法此屬直新外為士大夫之等同國執禽摯相見及見君之禮雖非出聘亦是賓主相見之法故屬賓禮也且士卑唯得作介從君與卿大夫出向他國無身自聘問之事案周禮行夫是士官其有美惡無禮特行無介始得

出向他邦亦非聘問之法也然昏冠及喪祭尊卑各自有禮及執摯相見唯有此士相見其篇內含卿大夫相見以其新并爲士或士自相見或士往見卿大夫或卿大夫下見士或見己國君或士大夫見他國君來朝者新出仕從微至著以士爲先後更有功乃升爲大夫已上故以士爲總號也又天子之孤卿大夫士與諸侯之孤卿大夫士執摯既同相見之禮亦無別也

儀禮

鄭氏注

士相見之禮摯冬用雉夏用牀左頭奉之曰某

也願見無由達某子以命命某見

摯所執以至者君子見於所尊

敬必執摯以將其厚意也士摯用雉者取其耿介交有時別有倫也雉必用死者爲其不可生服也夏用牀備腐臭也左頭頭陽也無由達言久無因緣以自達也某子今所因緣之姓名也以命者稱述主人之意今文頭爲脰
疏
相見至某見○釋曰自此至送于門外再拜論士與士相見之事也云某也願見無由達者謂新外爲士欲見舊爲士者謂久無紹介中間之人達彼此之意雖願見無由得與主人通達相見也云某子以命命某見者某子是紹介中間之人姓

名以主人之命命某是賓之名命某來見主人也案少儀始見君子者辭曰某固願聞名於將命者謂以卑見尊法彼又云敵者曰某固願見於將命者此兩士相見亦是敵者不言願見於將命者者此既言願見無由達見敵者始欲相見案下文及還摯者皆云於將命者明此亦有願見於將命者不言者文不具也。注摯所至爲脰。釋曰云摯所執以至者摯得訓爲至。外爲士者。釋彼人相見欲相尊敬必執禽鳥始得至故云摯所執以至者也云士摯用雉者對大夫已上所執羔鴈不同也云取其耿介交有時別有倫也者倫類也交接有時至於別後則雄雌不雜謂春交秋別也士之義亦然義取耿介不犯於上也云雉必用死者爲其不可生服也者經直云冬用雉知用死雉者尚書云三帛二牲一死摯則雉義取耿介爲君致死也云夏用脰備腐臭也者案周禮庖人云春行羔豚夏行脰鱠鄭云脰乾雉鱠乾魚脰鱠噉熱而乾乾則不腐臭故此取不腐臭也冬時雖死形體不異故存本名稱曰雉夏爲乾脰形體異故變本名稱曰脰也云左頭頭陽也者曲禮云執禽者左首雉與羔鴈同是合生執之物以不可生服故殺之雖死猶尚左以從陽也云某子今所因緣之姓名也者謂紹介之姓名云以命者稱述主人之意者言紹介之人稱述主人之辭意傳來賓也云今文頭爲脰者鄭

不從今文者以其顯項也項不得爲頭故不從也但此云某
子以命某某見謂舊未相見今始來見主人故須某子傳通
孺悲欲見孔子不由紹介故孔子辭以疾且經云某子鄭云
某子今所因緣之姓名案鄉飲酒云某子受酬注云某者衆
賓姓又鄉射云某酬某子注云某子者氏也與此注某子爲
姓名不同者彼旅酬下爲上尊敬在上以公羊傳名不若字
字不若子故下者稱姓以配子彼對面語故不言名此非對
面之言於彼遙稱紹介之意若不言名直稱姓是何人故鄭
以姓名解之也若然特姓云皇祖某子注爲伯子仲子者以
孫不宜云父祖姓故以伯子仲子言之望經爲義故注有殊
若然注宜有主人對曰某子命某見吾子有辱請

吾子之就家也某將走見

有又也某子命某往見今
吾子又自辱來序其意也

走猶往也

疏

主人至走見。釋曰云某子命某見者某子
則是紹介姓名以某子是中閒之人故賓主

共稱之也此上下皆言請不言辭辭而不受須相見故言請
而已。注有又至無走。釋曰鄭轉有爲又者以言某子以
命命某往就彼見吾子又自辱來於義爲便故從又不從有
也云走猶往也者以言走直取急往相見之意非走驟之義

故釋從往也云今文無走字者無走於文義不足故不從今文從古文也

賓對曰某不足以

辱命請終賜見

命謂請吾子之就家

主人對曰某不敢為

儀固請吾子之就家也某將走見

不敢為儀言不敢外貌為威儀

忠誠欲往也固如故也今文

疏

注不敢至以請。釋曰固如故也者固為堅固堅固

不為非古文云固以請也

則如故以再請如前故云固如故也云今文不為非者云非

敢於義不便故不從今文非也云古文云固以請者固請於

文從便若有以字於文賒

賓對曰某不敢為儀固以

緩故不從古文固以請也

請

言如固請終賜見也今文不為非

主人對曰某也固辭不得命將

走見聞吾子稱摯敢辭摯

不得命者不得見許之命也走猶出也稱舉也辭其

摯為其大崇也古

疏

注不得至走見。釋曰云走猶出也

文曰某將走見

為往此據出門故云走出也云辭其摯為其大崇也者凡賓

主相見唯此新外為士有摯又初不相識故有摯為重對重

相見則無摯爲輕是以始相見辭之爲大崇故也云古文曰
某將走見者上再番皆云某將走見今此三者亦云某將走
見與前同此疊古文不從者以上第一番請賓主皆無不敢
爲儀第二番賓及主人皆云不敢爲儀文句既異若不云某
於文不便故須云某也此三番於上已云某也固辭不得命
於下不須云某於文便古文更云某將走見文疊故不從也

賓對曰某不以摯不敢見

見於所尊敬而無摯嫌大簡

疏

注見於至

大簡。釋曰此士相見唯是平敵相仇案曲禮云主人敬客
則先拜客客敬主人則先拜主人並不問爵之大小唯以相
尊敬爲先後故雖兩士亦得云相尊敬不敢空
手須以摯相見若無摯相見是則大簡畧也

主人對曰

某不足以習禮敢固辭

言不足習禮者不敢當其崇禮來見已

疏

注言

不至見已。釋曰案上經賓云某不以摯不敢見是賓以崇
禮來見主人今主人不敢當其崇禮來見已故變文言不足
以習禮故鄭云言不足習禮
者不敢當其崇禮來見已也

賓對曰某也不佞於摯

不敢見固以請

言佞於摯謙自卑也今文無也

疏

注言佞至卑也。釋曰凡相見之禮

以卑見尊必依摯禮記檀弓三魯人有肩豐也者哀公執摯請見之者是下賢非正法今士相見云不依於摯不敢見謙也

主人對曰某也固辭不得命敢不敬從出

迎于門外再拜賓答再拜主人揖入門右賓奉

摯入門左主人再拜受賓再拜送摯出

右就右也左就

左也受摯於庭既拜受送則矣

疏

注右就至文無○釋曰凡門出則以西為

不受摯於堂下人君也今文無

右以東為左入門則以東為右以西為左依賓西主東之位

也知受摯於庭者以其入門左右不言揖讓而升之事故知

在庭也云既拜送則出矣者欲見賓拜送摯訖而言出則去

還家無意得待主人爾已也云不受摯於堂下人君也者聘

禮賓升堂致命授玉又下云君在堂升見無方

階亦是升堂見君法故云不升堂下人君也

主人請見

賓反見退主人送于門外再拜

請見者為賓崇禮來相接以矜莊歡

心未交也賓反見則燕矣下云凡燕見於君至凡侍坐於君子博記反見之燕義臣初見於君再拜奠摯而出

疏

主人請見至再拜。注請見至而出。釋曰鄭解主人畱賓之意云請見者爲賓崇禮來相接則執摯來是也云以矜莊歡心未交也者正謂入門拜受拜送時賓主俱矜莊相敬歡心未交也云賓反見則燕矣者上士冠禮賓士昏納采之等禮記皆有禮賓饗賓之事明此行禮主人畱必不虛宜有歡燕故云則燕矣以摯相見非聘問之禮燕既在寢明前相見亦在寢之庭矣若諸文有畱賓者多是禮賓之事知此不行禮賓而云燕者彼諸文皆是爲餘事相見以其事重故爲禮賓此直當身相見其事輕故直有燕矣是以諸文禮賓此燕賓故直云請見也云凡燕見於君至反見之燕義者凡燕見或反見或本來侍坐非反見下注云此謂特見圖事非立賓主之燕是也侍坐於君子之下乃有侍坐問夜膳葷賜食爵之等不引證燕見者彼直是侍坐法非燕見之禮故也云臣初見於君再拜奠摯而出者鄭欲見自燕見于君下至凡侍坐於君子皆反見燕法其中仍有臣見于君法臣始事見于君法禮畢奠摯而出君亦當遣人畱之燕也若然下有他邦之人則還摯雖不見反燕臣尚燕他邦有燕可知但文不具也

主人復見之以其摯

曰邇者吾子辱使某見請還摯於將命者

見復

之者禮尚往來也以其摯謂歸時所執來

疏

主人至命者○釋曰自此

者也歸爨也將猶傳也傳命者謂摯相者○注復見至相者○釋
至賓退送再拜論主人還于賓之事○注復見至相者○釋
曰云復見之者禮尚往來也者鄭解主人還摯之意云禮尚
往來曲禮文五等諸侯身自出朝及遣臣出聘以其圭璋重
不可遙復朝聘訖即還之璧琮財輕故不還彼朝聘用玉自
爲一禮有不還之義其在國之臣自執摯相見雖禽摯皆還
之臣見於君則不還義與朝聘異不可相沒也云將猶傳也
傳命者謂摯相者者謂出接賓曰摯入詔禮曰相一也
故聘禮與冠義皆云每一門止一相是謂摯介爲相也

主

人對曰某也既得見矣敢辭

讓其來答已也

疏

主人至敢辭○

釋曰上言主人此亦言主人者上言主人者據前爲
主人而言此云主人者謂前賓今在已家而說也

賓對

曰某也非敢求見請還摯于將命者

言不敢求見嫌摯主

人不敢當也

疏

注言不至當也○釋曰云嫌摯主人不敢
當也者歸者主人見已今即來見主人賓

主頗見是褻也今云非敢求見嫌摯主人不敢
更相見也故不敢當相見之法直云還摯而已

主人對曰

某也既得見矣敢固辭

固如故也

賓對曰某不敢

以聞固以請於將命者

言不敢以聞又益不敢當

疏

注言不敢至敢當○

釋曰上云非敢求見已是不敢當此云不敢以聞耳聞疏於目見故云又益不敢當也

主人對曰

某也固辭不得命敢不從

許受之也異日則出迎同日則否

疏

注異日至則否○釋曰下云賓奉摯入不言主人出迎又不言厥明是與前相見同甘知異日出迎者鄉飲酒禮云明日乃息司正主人出迎之司正猶迎之況同僚乎是知異日出迎也若然聘禮公迎于大門內至禮賓又出迎者彼初是公迎彼初之命不為迎賓身故至醴賓身雖同日亦出迎之故鄭注云公出迎者已之禮更端是也昏禮賓為男家使初時出迎至醴賓身雖同日亦出迎也有司徹前為尸後為賓所為異故云雖同日亦出迎此二者亦是更端之義也案鄉飲酒及公食大夫皆於戒賓之時未行賓主之禮是以賓至乃迎之故雖同日亦迎賓非更端之義也

賓奉摯

入主人再拜受賓再拜送摯出主人送于門

外再拜士見於大夫終辭其摯於其入也一

拜其辱也賓退送再拜

終辭其摯以將不親荅也凡不荅而受其摯唯君於臣耳

大夫於士不出迎入一

疏

士見於大夫至再拜○注終辭至尊賓○釋曰云以將不親荅

也者事未至謂之將如上士相見賓來見士後將親荅就士家則辭而受其摯此則以將不親荅終不受也若然經直云終辭其摯不言一辭再辭亦有可知但畧而不言也又少儀云始見君子曰願聞名此不言願聞亦文不具也云凡不荅而受其摯唯君於臣耳者見下文他邦之人則使摯者還其摯見已君不言還摯又文有三辭初辭中辭終辭初辭之時則云使某中辭云命某以辭在中者傳言而已故云命某然使某者是尊君卑臣之義其心重若云命某者尊君卑臣稍淺漸輕之義故鄭云或言命某傳言耳必知有此義者案僖九年左傳曰天子有事於文武使孔賜伯舅胙以伯舅耄老加勞賜一級無下拜是尊君稱使傳言云命有輕重之義也

若嘗爲臣者則禮辭

其摯曰某也辭不得命不敢固辭

禮辭一辭其摯而許也將

不荅而聽其以摯入有臣道也賓入與摯再拜主人荅壹拜奠摯尊卑

異不親授也古文壹爲一賓出使摯者還其摯于門外曰某

也使某還摯還其摯者辟正君也賓對曰某也既得見矣

敢辭辭君還其摯也今文無摯者對曰某也命某某非敢

爲儀也敢以請還摯者請使受之賓對曰某也夫子之

賤私不足以踐禮敢固辭家臣稱私踐行也言某臣也不足以行賓客禮

賓客所不荅者不受摯摯者對曰某也使某不敢爲儀也

固以請言使某尊君也或言命某傳言耳賓對曰某固辭不得命

敢不從再拜受受其摯而去之疏注受其摯而去之○釋曰云受其摯而去者以其嘗

爲臣爲輕既不受其摯又相見無饗燕之禮故鄭云而去以絕之也下大夫相見以鴈

飾之以布維之以索如執雉

鴈取知時飛翔有行列也飾之以布謂裁

縫衣其身也維

疏

下大夫至執雉。釋曰言下大夫者國

謂繫聯其足

皆有三卿五大夫言上大夫據三卿則

此下是五大夫也二十七士與五大夫轉相副貳則三卿宜

有六大夫而五者何休云司馬事省闕一大夫。注鴈取至

其足。釋曰云鴈取知時者以其木落南翔冰泮北徂隨陽

南北義取大夫能從君政教而施之云飛翔有行列也者義

取大夫能依其位次尊卑有敘也上士執雉左頭奉之此云

如執雉明執鴈者亦左頭奉之也案曲禮云飾羔鴈者以績

彼天子卿大夫非直以布上又畫之此諸侯卿大夫執摯雖

與天子之臣同飾羔鴈者直用布為飾無績彼不言士則天

子之士與諸侯之士同

亦無飾士賤故無別也
上大夫相見以羔飾之以

布四維之結于面左頭如麇執之

上大夫卿也羔取其從帥

羣而不黨也面前也繫聯四足交出背上於胛前結之也如

麇執之者秋獻麇有成禮如之或曰麇孤之摯也其禮蓋謂

左執前足右執後

疏

上大夫至執之。注上大夫至為脰。釋曰云上大夫卿也者即三卿也云

是今文頭為脰

羔取其從帥者凡羔羊羣皆有引帥若卿之從君之命者也
云羣而不黨也者羊羔羣而不黨義取三卿亦皆正直雖羣
居不阿黨也云繫聯四足交出背上於胷前結之者謂先以
繩雙繫前兩足復以繩繫後兩足乃以雙繩於左右從腹下
向背上交過於胷前結之也云如麋執之者秋獻麋有成禮
如之者案周禮獸人云冬獻狼夏獻麋春秋獻獸物鹿豕羣
獸及狐狸可也麋是鹿子與鹿同時獻之又庖人云秋行犢
麋則獻當在秋時故云秋獻麋也又案禮器曲禮三千鄭云
曲猶事也事禮謂今禮也其中事儀三千則禮未亡之時三
千條內有此獻麋之法是有成禮可依故此經得如之也云
或曰麋孤之摯也者案大宗伯及大行人與聘禮皆云孤執
皮帛謂天子之孤與諸侯之孤執皮帛今此執麋者謂新升
爲孤見已君法至餘事則皆皮帛也云其禮蓋謂左執前足
右執後足者案經云左頭則與雉鴈同是以曲禮云執禽者
左首此鄭又云執之蓋謂左執前足右執後足者元健起此此釋經
麋執之據四足而言之凡以摯相見之法唯有新升爲臣及
聘朝及他國君來主國之臣見皆執摯相見常朝及餘會聚
皆執笏無執摯之禮又執摯者或平敵或以卑見尊皆用摯
尊無執摯見卑之法檀弓云哀公執摯見已臣周豐者彼謂下賢非正法也

如士相見之禮

大夫雖摯異

疏

如士相見之禮。釋曰此下大夫及卿其

其儀猶如士

摯雖有羔鴈之異其相見之儀則皆如士

也。注大夫至如士。釋曰云儀猶如士者或兩大夫或兩

卿相見皆如上文某也願見無由達已下至主人拜送于門

外始見于君執摯至下容彌蹙

也。注下謂至一也。釋曰直云見于君不辨臣

其為恭士大夫一也。疏之貴賤則臣之貴賤皆同故鄭云其為恭士

大夫一也。不言所而言下者凡庶人見於君不為容

臣視裕已下故不言所言下也。庶人見於君不為容

進退走。容謂趨翔。疏人則是庶人在官謂若王制云庶人在

官者其祿以是為差即府史胥徒是也按鄭注曲禮云行而

張足曰趨行而張拱曰翔皆是庶人貌也此庶人見君不趨

翔謂是常法論語是孔子行事而云趨進翼如者彼謂孔子

與君圖事於堂圖事說降堂向時揖處至君前橫過向門特

加肅敬與庶人同也。士大夫則奠摯再拜稽首君答壹拜

言君答士大夫一拜則於庶人不。疏注言君至作一。釋

答之庶人之摯驚古文壹作一。疏曰臣拜君云再拜稽

首

首

首

首則君荅一拜者當作空首則九拜中奇拜是也云言君荅士大夫一拜則於庶人不荅之者案曲禮君於士不荅拜謂已士此得與大夫同荅一拜者士賤君不荅拜此以新外爲士故荅拜聘禮問勞云荅士拜者亦以新使反故拜之也云庶人之摯鶩者案大宗伯云以禽作六摯庶人執鶩注云鶩取其不飛遷象庶人安土重遷是也若他邦

之人則使擯者還其摯曰寡君使某還摯賓

對曰君不有其外臣臣不敢辭再拜稽首受

疏

釋曰賓不辭即受摯以君所不臣禮無受他臣摯法賓如此法故不敢亢禮於他君故不辭即受之也凡臣無境外之交今得以摯執見他邦君者謂他國之君來朝此國之臣因見之謂若掌客卿皆見以羔之類是也春秋卿大夫與他國之君相見者皆因聘會乃見之非特行也凡燕見于君必辯君之

南面若不得則正方不疑君

辯猶正也君南面則臣見正北面君或時

不然當正東面若正西面不得疑君所處邪鄉之此謂特見圖事非立賓主之燕也疑度之

疏

釋曰案上文注